



UNIVERSITÄTS-
BIBLIOTHEK
PADERBORN

**Amor Deiparæ Virginis Mariæ; Petri Antonii Spinelli
Neapol. Societ. Iesv**

**Spinelli, Pietro Antonio
Coloniæ Agrippinæ, 1620**

S. Vincentius Fererius, num. 16.

[urn:nbn:de:hbz:466:1-60948](https://nbn-resolving.org/urn:nbn:de:hbz:466:1-60948)

quodque panes cum ea ex farina quadam corrupta egregios in pauperum usus efficere voluerit.

XVII.

S. VINCENTIUS FERRERIUS
Ordinis Prædicatorum.

S. Vincentius Ferrerius ex Ordine Præ- 16
dicatorum sanctitate inalytus, &
Concionator verè Apostolicus; qui nõ
solum *triginta tria millia* tum Iudeorum,
tum Saracenorum ad Christiana sacra sus-
cipienda adduxit, sed etiam supra *centum millia*
flagitiosorum hominum suis
concionibus ad salutarem peccatorum pe-
nitentiam permouit, Virgini beatissimæ
cum primis addictis fuit, cui in suis a de-
mone tentationibus eam se comenda-
bat. Verum illud præclarum in primis,
quod ex Virginis sanctissimæ apparitione,
ut in lib. 2 eius vita cap. 11. apud Surium Sur. to. 2.
tom. 2. habetur, tanta ad eius pietatem
facta est accessio, ut postea ad tam subli-
me vitæ spiritualis culmen illius benefi-
cio perueniret. Cum enim virginitatem
suam quam perpetuò coluit, nocte qua-
dam Virgini impensius com-
mendaret, quo ipsa suo patrocinio eam
tutari, ac custodire dignaretur; huius-
modi vocè audiuit: *Non omnes possunt tuetur.*

*Eiusdem
virginita-
tem cõtra
demonum
insidias
Deipara*

esse Virgines: nam tamen si ad hanc usque diem virginem te appellare potuisti, non tamen patiar in posterum, ut tam honorifico nomine perfruaris: quæ quidem verba cum vir Dei quid sibi vellent tacitus secum ipse reuolueret, adduci non poterat, ut ea à Deipara Virgine, quæ virginitatis cultores semper amavit, & continenter adiuvit, profecta esse sibi persuaderet: in genua igitur cum procubisset, ab ipsa Virgine petijt, ut illa verborum terriculamenta declarare dignaretur: nec ita multò post Virgo beatissima multa luce corusca ei apparens, ipsum confortavit, ei que dixit, verba illa à diabolo fuisse prolata, qui bonorum operum difficultatem ei proposuit, quo territus ab incepta virtute desisteret; eundem que admonuit, dæmonem eius virginitatem, aliasque virtutes crebris insidijs impediturum: quare cautus esset, constantique animo perseveraret; atque in Domino, in quo omnes dæmonis versutias strenuè superaturus esset, speraret: tum Vincentius gratias Virgini gloriosæ egit: Ex eoq; tempore, inquit, Auctor eius vitæ, Christi militi tantum fervoris accessit, ut non terrestris homo; sed cælestis Angelus videretur esse.

B. BERNAR-